

焼貝海

人事

六十一六十二



集選

漢書門			
三〇冊	四架	一〇六九	類
		三函	號

内閣文庫		
三〇冊	八〇	漢書
三架	三〇	類
	九	號

内閣文庫		
番號	漢	8069
冊數	30 ( 25 )	
函號	367	117

香林集選



綴じ部(喉部分)の文字等が開きが不鮮明な場所あり





贊海卷之二十一  
人事

張孝子旌表碑贊

并序

唐承瓌

昔原涉廬于墓三載人至于今稱之况吾郡張  
生父母繼歿匍匐墳土寤處苦塊棄絕人事凡  
二十一年號泣終身故至性感動精誠動天靈  
芝繼生嘉祥屬至鄉里仰其道狼戾者為之恭  
恪悖慢者為之孝慈郡縣以聞于是天子寵以  
旌表當代著之歌謠又太和六年姪孫公瓌繼  
亦廬于墓時職留務于金陵日御史譚公為清  
時名士溪用褒焉曰張家至孝已傳三世可革





人俗變諸鄉閭不匱之美萃于張氏矣而張氏  
世傳儒素象唯四壁大唐之璽書文人之麗藻  
雖傳諸子孫而未真于金石會其諸兄之孫曰  
琢以經學著名少游太學垂十年有貞介之行  
有恭懿之德事親愛以順交朋友以信邠師知  
之辟主印真寔糾迷滯疑綏懷孤弱真寔有單  
父武城之化民皆翕然秩滿歸鄉經先人之舊  
廬悼盛事之未樹喟然嘆息霽然潑潑乃出琴  
書車馬以鬻焉取其資繕葺廊廡焚夷榛荆成

取教旨勒于貞石使永不泯夫建邦立家唯忠  
與孝有一於此宜乎不朽君斯擇也上宣考君  
之命下頌兩祖之休盡善盡美贊曰  
天經地義其惟恭焉六順之始百行之光哲人斯  
難兩祖有旃土闕德之荆榛滿阡永錫之道將不  
匱焉吾儕感此潑用惘然乃紀貞石是昭是宣豐  
碑既樹厥美方傳俾其不朽永慰荒垌

全唐文



孝子紀邁贊有序

明馮時可

紀邁廬江人本姓舒以五月九日生父母虞其  
弗利已棄之舒村人紀淳妻趙氏收養之年六  
歲舒氏夫婦時省之詔曰若固我所生也邁涕  
泣趙氏具告以始末年十歲喟然嘆曰我髮垂  
垂稱男子矣奈何勞堂上尸饗哉因出傭工勤  
力不間晝夜所得分養二母淳亡無子斬髮三  
年已舒氏父母相繼亡又並齋衰心喪三年其  
後既冠趙為擇婦齋酒米往婚家逢醉人毆趙



幾斃時邁在家忽有一犬直至銜邁衣如此者  
三邁心動走赴婦家母卧階下醉者酌堂上邁  
以擔殿二醉人走負母回家侍疾不解衣者累  
月母得平乃誓不娶邁常獨寢忽有美人上床  
曰妾某里衛氏也以病暴死天帝憐之謂我曰  
紀孝子不可無後還若軀以事紀可也邁乃告  
趙母子至衛門則女喪車出矣主人鞭牛不動  
柩中隱隱有聲趙因叙說其故主人開柩女遂  
蘇亦以帝所告者語父父遂以女妻紀數年趙  
卒邁絕而復蘇者數回躬負土以葬手足為之  
胼胝邁年五十膏病幾死夢神曰君命應絕為  
事養母至孝今延若筭矣後年九十七無疾而  
終衛亦偕老生子十餘人至今廬江紀姓繁衍  
皆邁之裔也贊曰

生我為親養我亦生切之罔極寧有重輕奈何昧  
者憤憤忘情養不一圖利則百爭不見紀邁疊疊  
竭精每念蓼莪弗謂螟蠶賜婦延筭厥報有徵古  
人有言孝通神明我標君德為世法程



人於世間... 割股孝子贊... 蚊啄啞穀芒刺壯士驚不假寐汝割股父疾愈孝  
裕天鬼神衛生如飴死如寄嚴顏頭要離臂堅此  
心干城器

割股孝子贊

明陳繼儒

蚊啄啞穀芒刺壯士驚不假寐汝割股父疾愈孝  
裕天鬼神衛生如飴死如寄嚴顏頭要離臂堅此  
心干城器

白石樵直稿



二孝贊 并序

唐李華

靈武二孝曰侯知道程俱羅目不覩朝庭之容  
耳不聞韶夏之聲足不登齊魯之境所見戎馬  
旃裘卷於夷狄而能生養以孝股奉以哀穿墻  
起墳出於身力鄉人助之者哭而反之廬於塚  
次號泣無節侯氏七年矣程氏三年矣根於天  
性陶我孝理甚至乎哉埃垢積首草生發問每  
大漢晨空連山夜寂人烟四絕虎豹與隣擁墳  
椎膺聲氣咽塞下入九泉止徹九天背爛心朽



皮枯節掣草木无秋而凋落景氣不時而凝烟  
一作 殊鳥異獸助之悲號萬物有極比哀無窮  
 大哉二子能以孝終始乎語曰孝如曾參不忍  
離於其 一作親生不忍離一作生 既不忍致忍離之哉二  
 子之孝過於曾氏矣昔為楚忍與母盟陳湯忍  
 匿父起謀復楚霸而戮死湯功釋漢恥而囚  
 廢神道昭々若何無報九州之眾誰非人子殘  
 霜露者聞風永懷士有感一諾一顧猶或與之  
 死生嘉一草一木猶或為之歌詠而况百行之

宗統天之感乎華奉使朔陸收親往吊焉馬河  
 凌絕渡願言不果憑軾隔川寄聲二孝因一作  
 為贊一章敢旌善人以附悼史具文曰

厥初生人有君有親孝於親者為子忠於君者為  
 臣兆自天命降及一作 人倫背死不義忘生不仁

愚唐書 及智就為之禮文禮文不能節其哀鑿道  
 德之元純至哉侯氏創錙痛殷手足胼胝成此高

墳疏策為奠茅蒲為茵其奉也敬其生也質大漠  
 黃沙空山白雲栢庭既夕松路未晨冠戎接境豺



虎一作成羣夜黑颯動如臨鬼神哭無常聲迥徹  
蒼昊風雨漂搖支體鱗皴色慘義蒿聲酸棘薪宜  
斬三年甫獨終身色子唐書作程生其哀也均顧  
後絕配瞻前無隣冬十一月浮一作水塞津者慨  
言一作之其殆無因寄誠斯文揮涕河濱

文苑英華 七百八十一

東陽十孝子贊

明 宋濂

十孝子者皆東陽人其事載於郡乘為詳予讀  
書之暇因探其昊天罔極之思而為是贊以風  
世之為人子者

秦顏烏 烏傷人

古有醇孝厥姓惟顏父喪未塋行泣道間我奮我  
錘是墮是瘞彼群烏何知銜止子助我家既封烏  
吻血流感爾異類愧我同儔秦風日滴借擾鈕而  
德色誰意四雲之四蒙見此皦日千載之下禮憲



淪胥豈獨愧君身亦不如  
有廟嚴嚴春秋是祀用  
興薄夫作孝子

吳斯敦東陽人

有孝者斯峴山之阿父罪當誅兒心奈何自非吾  
親盍從生我我寧隕身父死其可九關戕戕虎豹  
斷斷泣血上書願易以身王用爾恤卒全父命更  
旌爾門風彼不令池波裔淪宰木扶疎清風肅然  
過者下車

晉許孜東陽人

嗟嗟許生實孝子親胡風木不停構此難也  
輜車既載負土築墳我親我瑜敢曰勤彼鄉民手胼足  
胝我不為辛巾笥猶存几筵不改惕然念之吾親  
何在秋霜凝凝春雨濛濛父兮母兮得無苦寒與  
飢兒既不可見寧不念茲天高可極此情罔極鹿  
獨不聞我爾我松柏嗟嗟許生厲志不移終身之  
慕於子見之

唐馮子革東陽人

緬彼孝馮結廬墓傍思親不見欲與俱亡白月寥



寒悲風四起，蒲伏號呼，哀徹心髓。天錫嘉瑞，慰我  
孝思。有繳斯兔，有燁斯芝。孝馮曰：噫，吾馮用汝。九  
京莫興，百瑞奚補。唯爾孝子，樹我世防。雖歷萬祀，  
厥德彌章。自公之亡，肖公者幾。茫茫堪輿，孰非人  
子。

唐應先 東陽人

卓哉至行，衆人所難。眷我應君，投涕沈瀾。親之云  
亡，中心咽寒。雖草生髮，問何暇束櫛。昔處膝下，其  
樂泱泱。今我來思，舉目但見白楊。彼蒼蒼者，天局不

我剛，苟可從之。我生奚恤，爾心之苦，爾行之優。雙  
闕峩峩，卒承天休。

唐唐君佑 東陽人

唐氏之子，以孝行聞。死生一節，弗歧弗分。唯思親  
不置，鞠明寤矚。誰無父母，以樂以愉。今我何罪，獨  
行次且。我罪之深，我宜隕墜。胡獨使我親先，彼朝  
露晞，天不弔。直至于斯，渺渺音容，如何勿思。官用  
褒旌，封鬪在舍。匪私爾一人，式勸來者。

陳太竭 浦江人



浦汭之間有氏曰陳親沒居廬衰麻終身心勒形  
祭杖而後起一氣如絲去死無幾朝哭如吞莫哭  
尤不忍聞松風俯俯林鳥嘒嘒來助予之悲魂豈  
思弗寧起莫我爵果有在前烏鳥為之不啄世瀕  
失防頽波澆瀆我思古人古人焉往

宋董少舒

蘭溪人

有倬董君父以令統躬負厥土馬鬣其封四郊無  
人夜寒如水黑飈潛興如臨神鬼董君出廬擁墳  
撫膺念父寡寂長哀無聲日兮月兮能照下土寧

閔我最苦願亟入九泉奉我父母靈芝煌煌駁發  
爾祥蓋蒼榦黃於燁其光有焯董君德馨斯不亡

宋金景文

蘭溪人

澱水之州三山之坡下有孝子孝如之何父疾在  
首籲天請代願萃予身我親罔害母棺未窆執鑿  
以前天光下燭五色粲然五色粲然未足為偉怪  
電獰風勿犯其里苟匪中恠曷以臻此縣代是師  
於戲孝子

宋賈南金

金華人



孝道之弘，可行所生。誰與賈氏，實敦古風。生弗離親，歿安可棄。忍令親之玉體，為泉廟所閱。晝雖不見，可見接以夢寐。夢中相見，宛其未死。覺後求之，寒燈在几，得不慨茲。潛墮淚睫，雨孝德閔。我章逢，扼蠟其貌，黼蔽其躬。父子相軋，或不容我。述贊，辟用發民哀。

宋學士集

孝女贊

有序

元 虞集

金谿縣因金谿場之名也。唐時有銀鑪，發其地作場以治之，曰金谿場。寶曆乙巳，銀絕而治廢。宋開寶初，始置縣云。治廢時，女不產銀，久矣。有司不敢失其真，迫諸民而取之。有葛祐者，官強之，澁治事，銀既無所從出，傾其家不足充數。吏驅祐家，取土石，槩烹之，卒無所得。縛祐擄掠，不勝其苦。祐無子，獨有二女，且長，不忍見其父，皆自投治中，焚死。監吏黃慷上其事。撫州刺史奏。



除之里人棄二女又感其去患害也神而祠之  
 皇元季中郡守張國紀用獻利者言起金銀治  
 屬縣至今民病之獨金谿以二女事聞得不作  
 大德庚子縣丞吳瑾作新祠於沙阜之地延祐  
 戊午縣尹李有又新作之民間歲時祠之有詔  
 祠在祀典者則縣長吏行事焉元統申戌四月  
 邑士危素請太史虞集贊之贊曰  
 寶藏之興豈為厲階叔世盡利民生罹乖戾二女  
 哀其所天力不能拯投身毒烟身盡義著苛政亦  
 熄民以永寧無愧血食



方孝婦序

係讚

明

呂浦

孝為百行之原。盡其道以名於世者。古聞其人矣。今未之見也。况為人婦而得以孝名。尤絕無而僅有。宜嘉歎而表異者。暨陽楊君敬妻方氏。事姑孝。姑何氏。膺道患。滯弗能親御。偃漉。方每浸沃湯槃中。指探出之。歲久。手紋龜裂。無俛色。姑得以壽終。可謂行人婦之所難者矣。卒年六十一。葬黃茅山之原。金萃宗君希濂父聞而嘉之。恐其事之無聞也。大書孝婦字。表其墓。且作



芳

讚

渴

辭以勸來者。嗚呼樂道人之善者。君子之心也。  
 行人之所難者。孝子之行也。今孝婦之孝其姑。  
 不啻孝子之孝其父母。名曰孝婦。宜矣。昔漢陳  
 孝婦。終養其姑。名聞于朝。崔山南。祖母唐乳其  
 姑。猶謂蘭冊。為知孝婦之事。不名於今。而聞于後  
 乎。然其名也。則自宋君姑。于以知君好善之聲。  
 繇是而益彰矣。喜為之。以俟夫觀風者。讚曰。  
 於戲孝婦。淑德懿行。孝養厥姑。匪植溫清。姑嬰奇  
 疾。醫療為難。端力殫心。不辭苦艱。閱歲既深。手紋  
 龜裂。一時淳風。千古嘉節。茅山之原。不碣不碑。不  
 有發揮。其孰知之。猗歟宋君。豈弟忠厚。大書墓表。  
 以勸厥後。婦事舅姑。如事父母。哀今之人。不孝不  
 友。矯首崇阡。寧無愧咎。嗚戲休哉。

金華女微







官壤景暹懼忤拜受如獲拱璧遂用錦標裝潢  
什襲珍藏以為傳家之至寶既而命其子婿鄭  
填奉至麟溪求文以奉揚王休而昭示來裔填  
乃楷之孫將命誠懇不敢以老耄辭乃稽首頓  
首揚言曰賢王之昭德彰善可謂至矣其羽化  
輔教之心可謂盛矣凡厥臣庶其有不聞風而  
興起者乎周氏來裔又寧有不益加勉勵以答  
賢王之休命乎謹拜手而造贊贊曰

惟孝與義天之大經人能行之令聞有珍敬惟哲  
王建藩東魯樂善尚賢名教斯補有美周公孝行  
孔純奉職藩府夙夜惟寅厥子克家省視益力眷  
思爾加贊翰斯錫雲漢昭曰寵光赫熹奮翔鳳翥  
榮耀閭里念曰休哉周氏孝義用彰王休以厲臣  
庶惟王忠孝之屏之翰孳々為善東平河間雲翰  
載頌周氏世寶子子孫孫弗替永保



義門夾葉文

怡順汪翁孝義贊

明 陸深

捐生寧毋未必即死爭死愛弟與弟俱理母心愛  
子豈間彼此兩利雙完天寔鑒眎惟孝與義儉哉  
兼美世豈乏賢乃見汪氏怡順之軒名垂千祀激  
昂高風贊者太史

懷山文集



洪氏二義贊  
古學張先生作洪氏二義傳稱臨海洪澤民以  
身衛鄉井暴橫倍克不敢侵竟以累死無憾姪  
子游從婦翁涉難視死如歸其太史公所謂設  
取與然諾千里誦義為死不顧亦有所長者歟  
余喜其行齊古人又得史漢文法傳之知二義  
榮名有足信矣因為贊曰  
臨海之間洪氏之里義夫澤民以俠自喜行事卓  
犖言論莊偉好善必崇疾惡必毀鄉有點滑挾勢

洪氏二義贊

鄭棠

榮名有足信矣因為贊曰  
臨海之間洪氏之里義夫澤民以俠自喜行事卓  
犖言論莊偉好善必崇疾惡必毀鄉有點滑挾勢



奸宄侵奪民利貪暴無已能白于官虐焰斯沮竟  
為誣累隕身獄所其姪子游亦行義士婦翁有難  
周旋盡禮炎風燂蒸寒冰墮指冒險從行之死弗  
吝我觀古人唯義之與行果言信其得弗取之二  
子者榮名幾似作為贊詞用昭其美

*古學或謂此亦如九二義卦辭則誠哉*

柳義士歸金贊

明祝允明

故御史柳公華居憂當起復嘉定陸坦與傾文  
持白金五十兩來贖公不受以貸則受乃受公  
公起廵閩中死鄧茂七之亂貸金事時獨公兒  
謙數歲侍傍他無一人知比謙從錮沒赦還陸  
已死久謙亦翁矣持子本侑醴食往歸陸之子  
陸子曰無之我固不知知獨父持金贖行客耳  
謙陳狀固予之往返三數陸始強受賢矣哉二  
義夫古罔斯艱於今走九土覓若一个不得也



激為贊曰

二老矣。二子克承孝達事亡。信歸平生。二老俱  
俱偕游地下。亦讓亦悅。含笑相。揮金見義。雅不  
見金。亦。義權不任。維古斯易。今力倍蕤完  
城寄孤。反手於茲。義如崇丘。泰華終古。哥矣。富人  
大盈鄙陽。

明天微

義夫馬仲叟贊

明 顧璘

馬仲叟者。姑蘇鐵瓶里人也。質木沉毅。有篤行  
君子之風。於其伉儷。貧不食。盟喪不繼。室從一  
而終。若女子於丈夫。然者。斯亦人情。顧矣。或以  
禮規其過厚。幾以其所易。以便乎。後薄者哉。余  
從而贊之。曰

桓桓馬叟。執義維烈。天降有真。俗染罔涅。女也。從  
人之死。靡他。士也。二三。揆衷則那。睠彼鴻鴈。不二  
其速。胡斯人斯。乃弗爾侔。有男翹翹。有孫濟濟。無



乏我後奚亂我配先民有作曰魯氏賢維叟懋德  
曹乎與肩

顧東槁息園存稿

王竹塢贊有序

明 湯賓尹

入室操戈落井下石此人情相逼物理自然之  
概非有佗奇怪可喟咤也而遭之者動懷不平  
余數為之寬譬曰庸愚人之愛妻子必甚於君  
父妻可殺何有於父子可烹何有於君彼既以  
施之君父矣何有於朋友我輩毋高望人苛責  
人也然於人情物理必然之概而有不必然者  
斯之謂奇節異行下上古可追可慕是以傳  
竹塢王生事而喟咤紀之



以予所聞史籍中、孔文舉脂元升諸事、皆疑以為  
筆端相借、未必實有其人也、而今以為實者其人  
也、索之文遊、則不逢、索之載籍、則已謝、念身世之  
啞啞、獨泣然而泣下、

王仲宣集卷中

睡菴文集

三十一

鄭貞女贊

唐蕭淑

政教隆平、男忠女貞、禮以自防、義不苟生、彤管有  
煒、蘭閨振聲、關雎合雅、始號文明、  
全唐文



稱

李節婦馮靜君贊

元 王士熙

古之稱節婦人者，不特織紵組紃而已。良人不天，未亡，殆存出生氣於寒灰之中，死者得安，生者已傳其家，嗚呼馮氏，百世猶諒。

元 文類



華貞婦贊  
 余觀前代史傳婦人以貞行傳者若後漢殷氏  
 婦自經于浴室魏曹氏婦殘其形于寢側君子  
 不以其毀傷生傳以為世教者蓋重其之死矢  
 靡他之心幾乎古之道也春秋時夫亡之婦稱  
 未亡人亦以死為宜未之死者不獲已也或孤  
 幼無托或姑老無養以承所托爾余友趙御醫  
 嘗語無錫華氏婦之賢其夫病封股肉以進夫  
 疾革問以後事語其親而不已囑嘆曰舅姑幸

此處為書寫之空白區域，僅有極淡之墨痕。



未老二孤不憚無托。今夫將沒，無一言及我。意  
吾年少，他適爾，當白吾心。俾夫見之，遂入室自  
盡。鄉隣莫不驚嘆，以為太甚。其全貞行以死也。  
子幸為文以釋夫疑者乎。余聞華氏先祖母元  
時旌為華婦陳氏，貞節之門，涵濡名門之習，有  
自來矣。聞于素而熟于耳，其見義昭灼，可以死  
可以無死，盡其道焉。爾視前史所載于殷與曹  
也，夫豈殊哉。心同此心，皆古之道也。惜乎余文  
不足信于人，俾之登于策史。雖然，執詞垣之  
間，不可無一言之贊。贊曰：

華有賢婦，鄒氏之妹。素豐于資，亦業于儒。禮義閑  
習，蘭芷漸濡。貞節之聞，舊旌其廬。流聲至今，敢愧  
其初。夫也婦天，危急捐軀。白刃可蹈，義不可渝。表  
吾之心，寧知其餘。二親高堂，保抱二雛。可托可養，  
足以無虞。視死為輕，同穴其居。貞行卓然，玉潔皎  
如。有光名教，儀式里閭。漢魏所載，又豈其殊。惜無  
彤管，焯之史書。我述以詞，昭茲美譽。有觀民風，其  
寧捨諸。







國風伯姬謹禮書于春秋惟茲愈氏實與為儔  
而上弗預玄聖之筆下不列風雅之篇庸非闕  
乎乃作贊辭播于閭里俾有所勸用敦于人紀  
其辭曰

帝降厥衷孔粹惟人人極不傾以有大倫惟夫惟  
婦實倫之始父子昆弟咸基于此元聖立憲萬世  
是繩書謹其初禮設其恒詩備盛衰著美刺惡春  
秋之義勸戒甚白婦德豈多以貞為常從一而終  
顛沛靡忘陰教既泯人失其行恣情棄軌罔克循

姚

正婉婉夫人婉越之容有蔚其容令德宜昭宜于  
尊章協于嬭族胡性之懿而命不淑楚楚良人盛  
年云呱呱者嬰匍匐在旁于清于溫則曰既老于  
鞠于育心焉閔悼黽勉劬勞時易世遷昭茲信誓  
敢負所天秉心靡渝如彼金石可銷可泐我則不  
易我葺我巢我雛曉曉載翔載翹鳴于九霄天錫  
之祉貞婦有孝子為天子使為民所視人曰孝子  
第祿是承何以啓之母德之真人曰貞婦眉壽未  
艾子報罔極克順克愛相古淑媛列于書圖貞婦

姬



配之奚寧弗如。有赫名譽播于閭里。帝命旌邦國。是模善無不孚。直哉匪誣。

遜志齋集

林母王氏貞節贊

陸深

夫閨門之際，可以觀化。林母感憑箕之事，堅栢舟之節，斯非所謂化與離形器，超死生，昇哉乎。其子文績，以秋官顯，致封勅，并輝旌典，天之報施，於是乎在。乃作贊曰：

夫死君事，婦死夫志，事雖弗終，志則靡愧。有憑者箕，孰俾罔迷。陟降一致，馭風騎箕，道既粹矣。風斯引矣。子子孫孫，涕惟隕矣。有旌在門，封典斯存。惟家之範，惟國之恩，以慶于後昆。

儀山文集







十八和夫二十和夫六十八和夫六十八和夫

陸母馮碩人贊

申時行

張文學以德嘗過余言外大母馮碩人之苦節也碩人年十八歸陸處士某繼其室處士先有四子而碩人生女三年二十四而處士卒碩人痛欲死姻黨固勸之曰即死誰為奉老姑而立諸孤者乃不死而長子無賴顧欲碩人改節碩人許而拒之則悉處士第陰納聘而迫之嫁碩人截髮誓必死而已是時碩人長女業已壻以德之父某而又早寡依碩人以居碩人與寡女



形影相弔也。日夜攻苦力作，以纂組紡績自贍。既老不衰，今年八十有一矣。夫閨闈女士，抱義立節者比比然，多不當于旌格。以未及年故，幸及年矣，而以窮約困阨，無緣自致于周咨省觀之使，令汶汶不稱，則何以勸風化，詔來者。余竊病焉，為作馮碩人贊。贊曰：

栢舟矢義之死靡他，著在國風。垂訓不磨，有焯碩人。嫺于閨教，儵然布荆。庶幾德耀，我心匪石。屹不可移，誰謂荼苦。甘之如飴，食不厭貧。勞不恤瘁，死者反生。生者無愧，既壽且康。降福則饒，譬彼松柏。貞而後凋，在國有章。表厥宅里，詞以闡微。為世型

軌

賜問堂集



程節嬭項氏贊

有序

明  
余寅

蓋聞之攝不奠厥幹。苕亦不常厥華。鳥以壹宿  
名字堅別名擊。兩者相越則誠無算矣。迺君子  
何旌焉。余讀諸君所論著程節嬭項者。無翅七  
八舉。獨錢塘田博士闕婦者之繇。植歸之自稟。  
蓋曰。脂臘之家多渝志。姑息之下多敗孤。勢所  
漸靡矣。而項獨否。是故完其軀。訓正其子。如是  
六十六年。還報夫子地下。程媪之為風教。大由  
植自天也。夫閨行雖幽卒。而培塿讓高。星辰讓



曜亦誠其繫之云爾贊曰日者無實地則天  
妃匹之際其明如旦彼蚩實虹謂天可謾世之不  
網滔滔何畔迺妹無辰而獨甚珍匪直也身勵其  
嗣人愷心嗚嗚用泣為甄母嚴是勅子興亦力無  
縱挑脫用長恂德豈繫之慈良人在臆視天既邈  
視日既窮永言貞烈還歸故雄展矣白璧率厚大  
紘

農夫之集

連節婦贊

有序

董復亨

嗟乎德海溺人愛河牽世蛾眉易掃鸞鏡難磨  
故三月入胡唯見爭新之節一朝辭漢曾微瘵  
舊之情女節不負從昔共愾間有自拔流俗與  
恭風教如桓之女陝之婦荀之息王之發竝皆  
名懸青史事範紅顏金石不磨天壤同敵以視  
懷二棄一之輩不厭厭心死即淫淫汗下矣連  
節婦者今太僕卿少高公之愛女也白水凝神  
青松標志奉大家之懿誠佩南郡之嚴箴言自



德門千歸望族少君之鹿車並御德耀之玉案  
齊眉偕老長全纔快潘揚之睦未亡忽選輒分  
秦晉之懽兼以堂匪慈姑騰鮮愛子翩翩素懷  
華屋空存寂寂黃腸泉路永隔而節婦痛九原  
之長逝傷百歲之無期誓日呼天甘心碎首倒  
極咽絕至再迄三每高刑身之風願附教棺之  
誼獨以二親之敦諭稍淹歲時其如立內之飛  
揚絃懷寔穿人將化石空餘奄奄之形草欲斷  
腸猶灑盈盈之淚太僕公憐其孤苦義其堅貞  
携之都中俾侍膝下百方供御冀輟痛于黃壚  
壹意却除竟却衰于玄壤當翁按部之日政婦  
絕脰之時哀關都門誼傾燕市邯鄲才子競揮  
黃絹之詞蓬苑仙人喜勒清流之碣某冀南僉  
父河北陳人總輸執于千秋寔負心于一片風  
號易水覺俠骨之仍香大瘞荆山想芳魂之未  
歿聊陳梗概以俟表揚乃知高浴若邦未盡泯  
泯之侶閨房弱質雅多烈烈之英云爾贊曰  
栢舟風微陌桑誼歇波隨茅靡倫綱疇揭大河以



以南高接伊闕中產閨貞為世日月名家血胤曰  
嬪豪閥成禮之初已甘白髮忽爾所天蚤世病髓  
人鬼雖分溝壑自天卻華謝甘屢起屢委魂魄飛  
漢骨削形毀竟玦長安何烈雨雨古昔如林今世  
獨此明明千秋猶月在水海竭高顏吾文或死

繁露園集

王節婦贊有序

明 湯賓尹

故節婦沈氏生員王應禎之妻吾鄉古林先生  
少叅公寵之女也先生體仁服義清白在躬其  
子卒之為廉吏為名史亦既琅琅伯仲矣儀于  
女而為王婦茹荼齧檠極人間之苦砥節考終  
所司錄奏旌其閭詳具載疏牘中一女子也其  
烈名行乃與白日齊然則孤寡非不幸也予謂  
婦之節不特可以風閨閣于須眉人宜倍有媿  
厲焉故為廣其意而贊之



天  
吾馳車馬以遊今人有士賣友有臣欺君吾面唾  
之矢不與羣亦有貞臣亦有烈士死者復生生者  
不愧煌煌節誼支扶天地其在則人其亡則書彼  
筭者流烈日與俱而况我等生稱丈夫

汪貞烈贊 有序

明 陳衍

新都之汪姓有烈婦焉事其夫三載相從至閩  
既而其夫以他事獨歸道卒訃聞烈婦絕食者  
七日遂自經死時婦之翁程某為閩邑丞余知  
之詳也感而傷之作而嘆曰彼婦一柔弱女子  
耳于先生禮教非有閑習一旦從夫九原從容  
慷慨如此豈天植其性者乎抑唯其女子也故  
能若是乎九州之衆空有丈夫其能不聞風興  
起者非人矣又聞當烈婦始生時有星炯炯墜

睡菴文集



其屋上其死也禽鳥悲鳴風雨攸至噫皆氣之所感也因為之贊曰  
勁氣之精于陰則凝寒風朔雪柔波自冰嗟彼貞烈德懋其英夫亡與亡不自有身七日絕粒慷慨雉經猗與休哉以叔季之世而有若人吾聞往昔有刻面塞目滅性毀形或烈火積薪負石自沉於戲其令名與京汗竹維青爰達天子之庭

大江集

外王母貞節陳孺人像贊

明 李光縉

貞節歸外王父江直庵公二十二歲而娶子芹山公甫四歲余母安人其遺腹產也王父贊故饒雄于鄉里既蚤世貞節拊其一男一女所少者非財旦夕荼苦惟貌諸不底成是虞芹山公為文學有聲余先生改婚于江母封受天子綸恩貞節持是為可憐於志也卒年六十六于今甲得旌矣有司卓楔之竟弗克請惜哉光縉小子猶記數小時從母歸貞節老而猶績瘠形澣



羸  
字  
記

服弗澤於容今睹其遺像良然孀居之水玉可  
睹已迺為贊曰  
及格者年未請者旌雖則未旌亦有貞節子也儒  
聞女也夫榮則冠紳之列而享翟帷之盛孀人樹  
節而節立存孤而孤成迄孫子之繩天暨余小子  
亦不泯其後羸本淑人內外世澤之宏千百載其  
猶芳兮追柏舟而與之並又何羨于築臺之女懷  
清

清源洞集

貞節楊母梁孀人像贊

李次韻

貞節楊母梁孀人像贊

羅欽順

盛年寡處執志惟堅今有旌門曾弗少延持其完  
節以報所天相從地下無愧生前乃若勤以代終  
載廣其家之業慈而能教夙成其子之賢奉尊章  
而誠心曲盡遇姻族而禮節無愆凡鄉評之未泯  
皆懿行之可傳者也竊取春秋之義式昭風化之  
先

魁尾在後







望塵瞻拜，鳥給戴勝，鸞歌女牀，扶木之交。十日煌煌，菜畦晨汲，蘭陔夕采。玄芝曄曄，朱萼藹藹。綽楔翼如，天咫匪遙。舊史作贊，敬告清喬。庚子嘉平二

十日

主貞女贊

論語曰：閨門餘盜，皆由女也。

晉書曰：今平六十餘年，古者知節，其門也。子

鄭氏曰：烈女不更二夫，貞女不更二君。此

王女也。其山古始於其文，出公十女，然其

其傳世主，婦人贊

有學集

主貞女贊

明 陳衍

於戲貞女，格彼蒼旻。明景內燭，大義日新。念和挺勁，匡我彝倫。未嫁而寡，稱未亡人。抱冰懷蘂，誓不有身。撫嗣存孤，縞衣綦巾。從容植節，元氣用伸。昔有揮刃割耳，組石沉淪。慷慨憤決，爽曜松筠。方茲雅操，寔難與均。百年一日，德備志純。彼霜非冽，彼玉非貞。



賢女贊  
女劉有色字蔡貧而吳豪奪之父  
母不諒投潭死土人祠焉

王恩任

大江集

一縷一蟬一匡一蟹一與之醮終身不改強暴可

誅父母可駭涕出女吳投淵尸解漩洄片刻清風

千載

賢女贊  
女劉有色字蔡貧而吳豪奪之父  
母不諒投潭死土人祠焉











為強飲疾尋有瘵而善定亦就痊損里閭聞之  
咸共驚異以為孺人能堅苦節之貞陳氏能發  
慧根之孝貞母孝婦至性天篤是足格天而天  
祚之福也善定仲父汝玉亦以家門事行俱使  
湮泯遠乞讚詞以標女憲余觀程氏世德之盛  
流布四方綿遠百世衆餘萬指代起寸楮而墜  
闡之內處變能亨又有出於常行之外殆卓如  
此豈所謂行成於內而名立於後世者非邪且  
善定始以履孝抗義而來故余得周知之竊用  
嘉歎為之讚曰

穆穆貞孝實稟于天匪投于艱曷克以宣維天祚  
德宜康宜休宜膺景福曷艱是投引機喻訓務耳  
見情進乳延年俄日還明嗟彼古列異轍同塗于  
千萬禩與之合符維貞維孝格于天慈天人交格  
家無癘疵允茲德徽庶其有赫令問令望維內之

則

俞仲蔚集



一奉化三貞婦贊

鄭棠

二南國風上下數百載貞信守義唯栢舟一詩  
美及勝妾唯小星江記其不多聞若是今奉化  
汪氏一門二女同居既嫁而俱喪所天能守節  
自守又化及其勝亦能守義人以三婦並稱焉  
揚廉夫先生曾為之傳劉伯靜侍郎持視翰林  
欲多為之識其亦欲貞信之教行不幾名伯之  
用心歎余雖不足揚治世之音不可不述以為  
贊贊曰



有汪二妹一門之居曰嬪單史琴瑟孔宜同釜而  
炊會無間言迨失所天貞節兩全化及其勝亦克  
由禮終始弗渝享有壽祉名傳史臣彤管有文令  
德令儀鄉閭所尊二女同居志不同行效茲三節  
志同有稱欲宣風化亘莫之先貞信教行俗有可  
觀我贊以文用表名教孰有忠貞其不光曜

義門奕葉文

三貞婦贊

明 柴奇

孔子曰天下之道貞夫一者也真正也常也惟  
正則可常故曰一崑山三貞婦李以節薛以烈  
黃以孝皆正常之道王化之始可以勸矣予並  
為之贊俾觀者有所興起焉

二十而嬪再暮而孀脫死于室摧肝裂腸危難靡  
二禮義是防聖祖有詔百世其光

右節

累夫者法累身者容夫命叵測孰汚于克長練高



經以死自從百鍊之剛孰犯其鋒

右烈

姑病陷危婦身莫救肉糜潛進既起而仆孝誠格天方以夢授九掖而起弗苦弗疲

右孝

黃氏其母三歲父亡之

五服已終母曰一歲七三良

孔子曰天下之盛莫大於一昔也

三良

諸節婦讚有叙周拱辰

且予之侏修郡史也訪婦女之節而存之則有

未婚守制得兩人為戴禹功妻陳氏莊大成妻

蘓氏童婚守制得兩人為朱廉妻茅氏朱應宿

妻楊氏夫瞽誓嫁得一人為陸廷璋妻倪氏夫

赤貧誓嫁得一人為張冲和妻周氏弱齡守節

得四人為徐涑妻祈氏陳敏才妻施氏朱一豹

妻張氏費可學妻張氏倪大緯妻稽氏陳之值

戴歿也聞訃即着麻服給父母曰不容往送當



夫

自剄也。至則抱尸大慟，剪夫髮及赤爪甲為佩。告舅姑曰：「此吾夫也。」已，遂對屍成夫婦禮。挾老婢與俱，坐卧一小樓，四十年如一日。蘓氏則甫十四耳，聞夫歿，毀形衰服，矢志弗易。翁若姑感其義，迎歸，守制拜廟受筭，修婦道終身。楊之婦朱也，未婚而夫病劇，翁利有其紹之來，來三月而不成婦。夫卒，遽拜棺成禮。翁姑尋亦卒，力營三墳，皆就緒。茅婦朱以夫病亦不成婦，侍夫湯藥，祝以身代，卒不起。共翁姑迫之，他適勿動。詔厲之，饑凍之，亦勿動。為是悛而止。陸之聘倪也，閱三歲，旋瞽。陸請辭婚，氏大言曰：「古有男室瞽女者，况吾天乎？」卒歸。陸周氏生四歲，許張氏子，父母死，育於外祖父。張酷貧，更許他姓。及長，議婚，奔歸，抱父木主而啼，曰：「吾父在，聞字張耳。」張卽貧，奈何廢死父之命，挾利，夙訴之官。官為動容，得配合焉。祈氏、施氏、稽氏、兩張氏，則皆弱齡于歸，皆有子，皆砥孀節。而皆王子于成。周子曰：「烈乎哉！諸整吾師也。且夫甘夫貧以明志，撫

其有

其

其有



後嗣以承夫，詎薄俗能乎？至如朱之子業成進士，母以子貴矣，而曰始念不及此，恐死存孤，從容蹈義，斯已難矣。況其萬難比者哉？子瞻有言：人之愛好而不舍者，情耳。男女未室，情復安在？四貞之從一于未字，兩淑之矢志于貧瞽，堅兩鬢之儀於無可儀之時，伸夫婦之情於漠乎無情之地，自非君子而聞道，何以得此？作史者以四貞為節尤也，固宜。雖然，禮取女有吉日而女死，壻齊衰而出，既葬而除之，婚死亦然，固禮之正也。聖人於五倫，不輕責人以死，遠慮存焉。爾則未字而節，非與？曰：烏乎？非未字而節，節而過者也。觀過知仁，過於仁者也。苦節不可貞，君子哀之，然而寧太彼取此，亦以獎世云。諸節俱西吳之桐鄉人：野史氏周拱辰、葦之郡史復為讚。曰：詩先夫婦，易首乾坤，山川間氣，是產淑人。寒松、獐栢、增重人倫，人事紛紜，有莞有憐，燕羽差池，菱花剖碎，從一而終之，死靡悔，鬱鬱閨懿，乃有陳姝，聘



而未字、心則已如、拜屍偁婦、長慟復蘓、祥鸞一羽、  
是女師模、蘇媛秀弱、名花與語、驚聞婚變、絕粒不  
茹、翁敬其義、迎婦與處、髮甫燥耳、匪石如許、訛詠  
標梅、醫望而走、畫裡于飛、夢中箕帚、曾是童女、而  
稱新婦、翁奪其志、誓死者九、是茅是楊、兩節罕有、  
倪實名族、素諷江沱、豈以夫瞽、而輒有它、厲志不  
回、趨縮絲蘿、烈、周姬、幼失恃怙、啣刀訴官、不悖  
死父、寧甘食貧、誰謂荼苦、弱歲守制、藐諸始呱、冰  
林鐵衾、藿羹菜餚、紡燈訓讀、以啓令圖、祈施張稽  
德鄰、不孤、邈彼諸淑、倫彝所臧、千古義心、香名正  
長、苦節孰貞、其道窮也、未字而節、難為繼者、賢者  
過之、讀之、血灑、冰雪非貞、清風若寫、

彼







贊海卷之七  
人事

賈直言墳

馮時可

唐代宗朝賈道冲泄漏禁中事賜鴻自盡道冲  
 子直言請自執飲罷酌其父中使許之直言因  
 持盃自飲立死未幾酒自左足間出復生具奏  
 父子俱流南海遇赦還東平拜諫議大夫初直  
 言行時囑其妻董氏改適董入室以繩帛縛髮  
 取筆令直言封之啟曰畢死不聞非君不鮮後  
 二十二年再會舊題宛然嗟乎死而生流而歸  
 天命也子狗父婦狗夫人彞懋哉書其事以勵

縛



為

世為之贊贊曰

君猶父子寧逆其死父猶君子甘代其死惟忠且  
孝一死兩全死而再生寔天所延亦有賢婦一意  
君子縛髮緘題畢命自天二十二年舊題不解匪  
題之故惟心不解吁嗟賈公節奇遇奇離合悲喜  
彼蒼司之一心合天路無險夷孰謂冥冥此中可  
欺

馮元成選集

吳保安贊

有序

馮時可

吳保安字永固河北人任遂州方義尉有郭仲  
翔者亦河北人元振之從姪兩人雖同里未相  
識會南蠻叛朝廷用李蒙為姚州都督討之元  
振欲成族子名宦遂以仲翔托蒙蒙用為判官  
主軍事保安自方義寓書仲翔序其名位不達  
欲相汲引仲翔乃盛稱保安才能於李將軍召  
為管記檄未達而李將軍戰沒仲翔為虜蠻夷  
利漢財物每得中國吏士許以緡百端贖死乃



仲翔為相國猶子，夷酋知之，索絹千端。時保安  
方到姚州，聞耗，慨然曰：「士為知己死。」郭公誠知  
我，可各一死。會仲翔於蠻中，間關致書保安，托  
其轉報叔父。於時元振已去位死矣。保安乃傾  
家得絹二百端，因往嵩州經營十年，得絹五百  
端，猶未足數。保安素貧，妻子猶寄遂州，絕不相  
顧。即得家信，亦不落，每有所得，升粟尺幣，積繫  
待用。身甘淡薄，鶉衣百結，弗悔也。其妻因饑寒  
不能自立，携其子趨姚州。在途糧絕，號泣於路。  
哀感行人，時都督楊安居方馳赴姚州，聞其事，  
召而詢之，妻具述其狀。安居奇壯之，賜其妻錢  
數千緡，給乘令前進。及安居至郡，見保安，執其  
手，上堂謂曰：「公以感慨一薦而至，苦身捐家以  
報之，即古俠烈士矣。加我不可無以成人之美。」  
因於公庫借絹四百端，給保安，令通信蠻中。居  
五月，而仲翔至，兩人始相識，語相泣也。居久之，  
安居北去，仲翔至京，授蔚州錄事參軍，轉代州  
戶曹參軍。丁母艱，去已畢，葬事，嘆曰：「我親生養。」



死葬皆吳公恩寧可負也乃行求保安保安以  
秩滿貧不能歸與其妻皆卒於姚權窆寺中仲  
翔聞之號躄哭踊因製袞麻環經加杖自蜀郡  
徒跣至彭山設祭撫殯大慟乃出其骨每節加  
墨記之又出其妻骨亦記之盛於練囊貯一竹  
籠親負之徒行數千里至魏郡以家財二十萬  
為營冢墓葬之親廬其側行三年喪保安一子  
仲翔愛之不啻己出己仲翔為嵐州長史携保  
安子至官為娶妻室恩教備至天寶十二年詣  
關願讓己官於保安子以報德朝廷義焉官其  
子降敕褒贈余友人父子排欽其義嘗筆其事  
欲以媿薄俗余讀而有感重刑節之且為贊贊  
曰

悠悠世路誰為知己義哉吳生感慨一語十載千  
鱗間關百里脫友於阨而身竟死郭生報之亦畧  
相抵翩翩督帥成人之美吁嗟三君皆奇男子古  
稱素交肝照神齒皎日明霜青松寒水彼齷齪者  
驅馳朱紫得勢翕此失路訾毀服美居愉為情茂



爾飛沉在握，曾莫顧指錢刀如山，一毛不委。以此言交，真可鄙矣。

馮元成選集 同上

此等語，皆古人之遺教也。其言雖簡，其理則深。蓋君子之交，當如金石之堅，而不受外物之動搖。此所謂「言交真可鄙矣」之謂也。嗚呼！世之所謂交者，多不過金銀之利，而無道義之歸。一旦利盡，則交亦散矣。此誠可哀也。

滕奉使贊

宋濂

齊人王蠋有言曰：忠臣不事二君，烈女不更二夫。女之從人，一與之醮，當終身不改。譬之白璧，小有玷辱，人將行去，而不之顧。臣之事君也，其理亦同。故蠋特並言之。事兩夫者，雖辨如虞姬，智如鄧曼，吾知其決非良臣。嗚呼！使此義昭如白日，人臣安肯懷二心而國安有喪亡之禍哉！東陽滕茂實當宋靖康初，以大學正與僉書路允迪奉使於金，議割三鎮太原，尋奉密詔據城。

懷

學



不下金人怒囚之雲中欽宗北遷茂實謁見涕泣請從行至者不之許其後允迪南歸茂實獨留鴈門終身不再仕臨沒令以黃幡裹屍而葬仍刻石識云宋使者東陽滕茂實墓此殆不事二君者歟當是時有宇文虛中者亦以黃門侍郎使金見留遂改節易行反面事虜其後雖欲奪兵仗南奔而自贖卒亦不逃君子之議其視吾茂實果何如也茂實已矣人至今想其遺節如神龍不可得見至視虛中輩不啻若鬼蜮犬豕有識妾婦亦羞聞之此無他人心天理終不可誣也乃作滕奉使贊用規事君而有二心者

贊曰

漢有蘇武奉使不屈滕公配之有聲烈烈黃幡裹屍以全臣節如璧之白弗緇弗缺其人雖亡而神不滅上游帝所凌厲日月降臣見之肝碎膽裂敢述贊辭勒在貞碣

宋學士集







縣主簿一再上書累數千言劇論仇耻之不可  
 忘名分之不可貶和約之不可信請誅王倫拘  
 虜使決意用兵其激切之辭有曰陛下為戒人  
 諸侯臣為犬馬陪屬曰此天也祖宗之天此地  
 也祖宗之地一朝而化為戎虜之天地可乎無  
 天可戴無地可履不如無生曰陛下委靡從虜  
 則天下將圍視而起不怨虜而怨陛下曰劉毅  
 之禍可為寒心陛下尚何面目戴黃屋王天下  
 邪嗚呼其言一至此哉大畧與胡公同皆其君  
 所不能堪又謂今有將可使有兵可戰直為壯  
 曲曲為老母以強弱論事又本乎義理之理而  
 深識事勢之宜非區區較計利害之間者也胡  
 公既遠竄而公顧弗及豈以其猶不直斥檜而  
 獲宥歟考之宋史當時內外之臣如李綱王庶  
 曾開張燾晏敦復魏矜許忻趙雍胡程朱松張  
 廣凌景夏常明如圭李弥遜方廷實梁汝嘉  
 蘇符蕭振節徽言之徒章疏畧見一二而廷佐  
 曾不得齒名其間豈又以小邑下官在所畧耶



詳

魏炎之集讜議今亦無攷世知誦胡公之書而不知有公惜哉公字子野世居東陽之蘭隰宣和中入太學登紹興二年進士第升朝嘗為大理司直通判湖州台州遷許定一司勅令所刪定官後薦起知處州辭遂致其仕今其鄉猶稱賈刪定子孫多以文學顯者七世孫權出公二書及家譜示予併獲拜其像英風義槩凜凜如存吾鄉有人如是而忍使之泯泯湮沒哉竊不自揆表而著之贊曰

昔在紹興屈身和仇嗟嗟賈公獨為己羞越職叩閣攄憤陳義子房之忠仲連之志天地與立曰惟綱常二書之存千載有光其官則卑繫節甚偉遺像凜然孰不敬止

金華文徵

顯權

仇

傑



福寧王尹贊

明王禕

史氏之法於死節事死之辨有輕重之權衡焉  
蓋以為人之死雖同而所死有不同死事者一  
時變故之所激夫人或能之至於死節則非見  
義明而識理正者不能也豈所謂非死之難處  
死為難歟抑所死雖不同要皆不可不謂之能  
死歟國家混一百年承平之盛極矣乃自頃歲  
寇盜竊發名都大邑殘廢殆盡然其間守土之  
臣之能死者固班班然可數也以吾所聞閩越



之間其能死者得二人焉得死事者一人曰崇  
安縣尹彭君庭堅得死節者一人則福寧州尹  
王侯狹是已侯諱伯顏字伯敬濱州沾化人身長  
八尺美儀度個儻有大志嘗語人曰世治為良  
臣世亂為忠臣庶無媿此耳弱冠游京師受知  
駙馬荆王王拜丞相行省湖廣辟侯知印歷宣  
使滿考調永之邠陽湖之烏程兩縣尹皆以治  
最聞陞信州推官卒反寃獄甚多至正九年有  
詔遴選守令侯用薦者以朝列大夫尹福寧越  
再期政化大孚十二年春除福建轉運鹽使司  
副使時盜賊充斥且逼州境侯因雷不行曰福  
寧民猶吾子耳吾忍舍之去乎乃募民兵訓練  
為備又諭鄉民各團結自相保十一月庚辰賊  
入境侯及中子相引兵與戰敗之已而賊大集  
侯還守州治壬午賊攻西門侯奮身率先力戰  
賊稍却俄而馬中流矢遂墜地侯被賊首謂侯曰  
公廉能名素著欲屈公仍尹此州何如侯罵曰  
吾受天子命守茲土義當殺賊今乃敗政有死



爾寧能從賊反耶賊怒強之跪侯曰比膝可斷  
不能跪賊賊愈怒令左右毆之侯嚼舌噴血賊  
面大罵曰吾失守茲土義當死反賊殺我即殺  
何毆為然我可殺慎勿殺吾民也會賊執監州  
至責之曰汝何得與王州尹同拒我也侯又大  
罵曰起兵者實我非監州且吾起兵滅賊爾何  
名拒耶吾生不能殺賊死當為神必殺汝矣賊  
愈益怒侯遂遇害臨刑神色立不變而受又出血盡  
白頭墮而體不仆時年六十矣死後數日面猶  
如生民無老穉號哭晝夜不絕賊亦悔殺侯有  
毒蜂如雲屯賊庭民請葬侯尸尸葬而蜂散賊  
中時時見侯引兵入州治見者皆驚歎而賊首  
無疾輒自斃侯之既死也相尋亦被執賊欲使  
之官相曰吾與尔賊義不共戴天顧欲事尔耶  
亦死之相妻潘亦被執賊首欲亂之潘慟哭曰  
吾以失所天死固其所豈以身受辱即絕不飲  
食及其二女亦皆死焉嗚呼若王侯者謂之能  
死其節非歟傳稱殺身成仁舍生取義者非侯



之謂歟。侯不惟自死，能盡節而子婦若悉秉節以死，豈忠義固皆天性歟？徵諸史氏之法，誠在所深取。是用備叙其事，且係之贊。用著今日為國死難之有人，為人臣之勸云尔。贊曰：矯矯王侯，萬夫之雄。孰為大節，為臣忠死。為臣死忠，遑卹其躬。維躬可殺，名不可毀。死而不朽，是謂不死。嗚呼！王侯英風，千祀。

王忠文公集

鄭子美先生贊

明 鄭淵

先生諱玉字子美，歙人也。性質剛介，雖富貴利達，曾不少動于中。至正丙申，天子聞其賢，以翰林侍制起于其家。先生辭不赴，使者請之益力，乃至浙江。又疾作而返，遂過浦江。淵因得一見之。先生且勗淵曰：士君子所學，必以忠義為先。若區區泥于文字，得不名浮其實乎？淵既受先生之教，識之不敢忘。越明年國兵下歙，大將名先生欲奏官之。先生沐浴正衣裳，自經而死。嗚呼！



呼先生忠義之勇見于一心視死如歸高風凜  
然千載之下可慕可仰考諸昔日勗于淵者蓋  
無媿矣今觀畫像謹再拜而為之贊贊曰  
歛山孕靈挺生賢豪峻節巖與山齊高元運既否  
四郊多壘公履其危誓決以死我身可歿思不可  
忘我頸可縊義不可降忠精皦然可貫天日名教  
之師民俗之則秦山有頽黃河有竭英名耿如萬  
古不滅

義門奕葉文

故禮部尚書死事陳公像贊

明瞿景淳

嗟嗟陳公弘毅方正早識高皇晚承顧命公之受  
命罔擇險夷事之不濟以身殉之人誰不死貴死  
於義臣之事君有死無貳自靖自獻餘何足計臨  
刑數言聽者悚然公身雖死公神在天激為風霆  
凝為山川貪生者誰忽為飛煙周有夷齊寧餓首  
陽豈薄武王計存綱常唐有王魏時稱蹇直緬懷  
前宮猶有慙德公之死節豈以為名持報嗣君庶



畢平生大哉文皇不使無祀雖戮公身宥公一子  
戮公非忍成公之忠孤荷寬仁卒延陳宗今公子  
孫代有顯庸謹言亮節有公遺風史臣作贊昭示  
無窮

瞿文懿公集

*[Faint bleed-through text from the reverse side of the page]*

昌

脩

塵錫

葉雪菴先生贊

馮時可

葉希賢一名雲浙江松陽人國初以賢良任南  
昌別駕繼授監察御史改翰林學士建文中嘗  
劾耿李二大將失律當斬以狗不報壬午之變  
與編脩程濟從建文主出走變姓名削髮為僧  
走隣水縣之善慶里有松栢灘左右山峰拱挹  
二水會流於澄潭其亭蘿篁森蔚公愛其奇勝  
盤桓不忍捨去問佃徒知為隱士杜景賢業也  
踵其門丐一塵以掛錫杜初不與通公題絕句



於圖見志杜異之次日造請款語移時遂燭其地構寺以居公率其徒數人入居之晨夕誦有聲或諦聽之則易乾卦也杜止之曰釋名而儒誦可乎遂專誦觀音經因以觀音名寺公好觀楚辭時放舟灘中朗誦一篇輒投於水而哭哭已又誦終卷乃已每日注酒一壺俟客雖樵牧暨亦拉與共飲飲半醕輒歌歌竟即寐自號雪菴和尚深居簡出獨與一補鍋人還往云當時同出止者成化初公始物故蓋年逾百云死之

日其徒問何許人但曰松陽問姓名不答啟其遺箒有易本義一帙百將傳一部馮子曰余嘗見婁江王先生謂建文君實自焚於火世所傳斃縞為僧者謬然歸自田州葬於西山者又何人耶由二百年後臆決前事亦難矣余以癸未遊黔西永洪菴其菴在萬山深處僧徒皆謂建文君曾駐此三十年尚有墨迹其後自滇而粵不知所往又云至初來時兩比丘與俱未幾即去所謂兩比丘者抑葉與程耶初相從卒相敬



者豈當時物色之意不能終擇牧圉耶投騷而  
 哭志可知矣嗟夫君臣之誼譬之父子厥考質  
 首之讐厥子回面而改嚮此直禽鹿視內寧有  
 人理故當死則死之不當死則逃之要以成其  
 仁而已公之削髮狗主徜徉松栢灘以老其西  
 山採薇之節哉毛生復者輯公事畧為書意念  
 遠矣春日特持以獻余感其意乃於訟堂為之  
 贊亦以教民忠也贊曰

神驚失足亢龍無首天地變易巨軀何有回面事

仇亦孔之醜噫歟先生遭世陽九周粟何甘秦庭  
 難走遊方之外緇流為友雙淚點騷深心寄酒善  
 慶里傍灘高崖陟慘淡雲寒喧逐雷吼孤憤猶然  
 寧隨骨朽彼人奴哉甘心廣柳馬元成選集無可

此詩之辭而卒接迎人言  
 所謂死其官者之所謂不  
 仁取義則有  
 元事死節二  
 而







變死繫網常暨身未離乎士林非有拾遺補闕  
之責而抗直不撓卒觸邪指佞以死此其死也  
重于泰山千古為烈成仁取義又何愧乎昔正  
德初逆瑾為亂流毒縉紳時陸安甫先生偉口  
初成進士無官守無言責寔未離乎士也而獨  
以直節忤瑾致伏闕暴死時論痛之以為公名  
父之子抱非常之才甫成進士或少斂其鋒錐  
以需其大且遠者所得不止此嗚呼是豈知公  
者乎以瑾滔天之惡舉世風靡公獨不惜孱然  
之軀以捍之使天下後世知士氣必伸有寧死  
而不奪者則公一身雖死而其所網維于萬世  
者何如也嗚呼膺滂遺節甫之禍對獄忼慨謂  
死當葬首陽山上不愧皇天下不愧夷齊若公  
之死可以當之矣然後可以列于歐陽子死節  
之傳矣然後可無愧于孔孟成仁取義之言矣  
拜瞻遺像敬係以贊贊曰

所絀者孱然之軀所伸者浩然之氣其為氣也上  
為星辰下為山河亘千古而靡替嗚陸公死于一



時生于萬禩

*[Faint bleed-through text from the reverse side of the page]*

延平奚大夫像贊

有序

明 吳國倫

嘉靖壬戌十一月奚大夫攝莆中事而死其難君子哀之初賊之圍莆中也先以偽兵入大夫心知其偽將執之以伐賊謀乃憲大臣卒為偽兵所紿城遂陷憲大臣亦繼城走得不死奚大夫死之死之日無有知者又失其屍所在即莆人多謂奚大夫或不死賊手延平太守周公曰豈有奚大夫不死莆難哉乃使人大索三月得大夫屍於民舍中雖膚受三刀而顏面肌色如

居易堂集



醫

生時延平公又使繪事者貌其像為位哭甚哀  
諸父老子弟觀者亦莫不哀奚大夫如生也後  
甫人又稍稍言奚大夫欲執偽兵之事延平公  
泣曰我國知奚大夫與城俱亡於是以奚大夫  
像屬國倫且告之故曰子能斬一言使此大夫  
泯泯乎嗟乎悲哉甫中不守非大夫罪然大夫  
亦可以死矣不則縋城走耳甫之子遺謂大夫  
何大夫楚人又與予善故涕泣而讚之曰

戔戔爾冠熙熙爾儀爾命非正爾顏則怡嗚呼醫

嘻豈得死所耶

旣既洞藁



逐逐

五人墓贊

明 王思任

吳閭蟻子，逐承簫鼓，醉飽一夕，知歸何土，妖星蔽日，  
緹尉出侮，壯矣五人，小夫屠酷，巷在專諸，學纔水  
滸，淪彼宵奴，署名對簿，氣奪暴閹，頭碎佞撫，清風  
次第了，不驚苦，蟻遂登人墓，封宿莽，亦有狗顛，駢  
斬五父，初亦稱人，忽焉化虎，其死無二，其數亦五，  
人漸神旺，狗已臭腐，全一不朽，同時千古。











李

并自命道一善如子世

就相如二而兼志知能及善其臨山以進主其千  
來階高深財彩未主臨此古學主其林也

才子學成諸

曹崇伯全集

殉節衣帶自贊

明 李邦華

堂堂丈夫、聖賢為徒、忠孝大節、誓死靡渝、遭國不  
造、空負良謨、臨危授命、庶無愧吾君恩、君讐後賢  
報諸



詩  
趙至曰身難離世  
堂堂大夫望實為  
世無則吾若思  
以氣傲世因不

李忠文公集

李忠文公集

王侍御遺詩贊

明 錢謙益

先儒有言詩人所陳者皆亂狀淫形時政之疾  
病也所言者皆忠規切諫救世之針藥也文中  
子評六代之詩立纖夸誕鄙之目為狂為狷有  
君子之心者數人而已今天下之詩盛矣聯翩  
麗藻皆歸于駢花鬪艸留連景光而詩人之針  
藥無聞焉新城王侍御諱與胤字百斯故大司  
馬象乾之從子方伯象晉之次子也中宗禎元  
年進士選翰林院庶吉士出為御史抗疏忤時



相盥門養父清齋禮佛禪觀如道人甲申三月  
涕泣不食再拜與父訣篝燈拒戶與其妻于孺  
人子士和偕自經死從子士禎刻其遺詩二十  
餘章皆奉使關隴之作其詞約以則其志哀以  
思悲民窮悼國蹙愀愀乎如不終日何其憂也  
巢車躍馬誓欲搗闐顏踏賀蘭又何壯也嗚呼  
侍御忠孝偏塞誓報國恩不肯借踰河蹈海之  
名少自解免此鄙夫亂臣忘君背國者之針藥  
也攢眉搔臂憂天閔人肝鬲輪困聲淚咽塞其  
為詩則夸人纖兒浮漂嘈噴者之針藥也忠臣  
志士聲烈蔽天壤片言隻字流落人間人咸以  
為弘演之肝萇弘之血有不蕭然改容泫然雪  
涕者乎季札見歌鄭曰美哉其細已甚是其先  
亡乎解者曰美者美詩人之情也先亡者見其  
匡諫意微而知其國也余讀侍御遺詩感詩人  
之義惻惻然擣余心焉遂捧筆為之贊贊曰  
豐山九鐘是知霜鳴匪鐘則鳴惟霜之情公心憂  
國列如秋霜隴首殷憂先幾告祥銅山既崩子母



微應明燈整冠湛然致命遺音危苦孤桐玉律吟  
龍戛石梵猿噉月浩歌悲嘯雷風交加蟲豸不蟄  
象華其牙榛楛塞路河汾不作敬採斯文以識針  
藥癸卯三月望日

*（Faint bleed-through text from the reverse side of the page, including the characters '有學集'）*

浩然居士像 士乙酉

明 筆文雲

生平抱義行天地臨難從容氣愈剛生面本來曾  
未死一刀家國盡生光



鐵

壬午諸臣贊  
 故兵部尚書南陽鐵公鉉翰林院文學博士天  
 台方公孝孺太子少保禮部尚書宣城陳公迪  
 禮部侍中貴池黃公觀御史臺左副都御史新  
 淦練公子寧戶部右侍郎瑞安卓公敬禮部左  
 侍郎山陰陳公惟善御史臺右副都御史江都  
 茅公大方刑部尚書南和侯公泰刑部右侍郎  
 山西慕公昭叅大將軍事遼州高公巍監察御  
 史廬陵曾公鳳韶翰林院脩撰黃岩王公叔英

未及一日元國主王  
 王世貞  
 懶齋別集



衡府紀善脩國史泰和周公是脩浙江提刑按  
察使前刑部左侍郎開封王公良江西提刑按  
察副使前右僉都御史崇德程公本立蘇州府  
知府姚公善禮科左給事中常熟黃公鉞徽州  
府知府莆田陳公彥回遼府左長史績溪程公  
通太子太傅魏國徐公輝祖谷府左長史劉公  
璟御史臺左都御史真定景公清兵部尚書深  
水齊公泰太常寺卿分宜黃公子澄吏部尚書  
富平張公統皆殉命壬午炳烺著聲者也其它  
侍從臺諫郎署守令倍之夫鐵公馮未堅之版  
築鼓不振之兵氣轉弱為強幾就而挫天之所  
廢誰能興之支有靡碎膝無小屈斯為最矣希  
直以天挺之才當人文之寄雖經緯未究而黼  
粉已彰至於勁氣峻詞昭揭千古金石無防日  
月長新於乎烈哉姚安陸之牧三吳毋讓文翁  
高遼州之策諸王奚減賈傳其他從容慷慨歸  
盡不同要以讐志完節舍生成仁無可譏者魏  
公絀彼肺腑堅此股肱非武寧開天之勲仁孝



厚坤之懿，豈直盆庚狴犴，亦將參夷五宗矣。景公懷豫讓之誠而不獲逞，齊黃乘朝錯之忠而鮮所成，心無餘施，國有遺恨。若張太宰小攝於霆擊而終安於雉經，可謂不遠之復，未盡處死之道。乃其敷績滇荒，飭躬銓部，與迪肩衡，視瑞骨臭，亦洪建之良臣也。因附而贊之，或謂不佞既叙靖難之勳，復表壬午之義，達變者為優，則守死者為劣矣。夫湯不以放桀而奪沈淵之務，光武不以剪鬻而絀首陽之墨。况今天子昂命伊始，褒辭煌煌，舍後夫之不寧，識忠臣於板蕩哉。是宜贊其辭曰：

壺簞

寶鼎告成，珠纒就緒，飛龍利見，神虬已躍。波沸九海，掎傾十嶽，帝坐雖新，廟貌猶昨。子燕孫貽，天無適莫，神惟常享，人乃歸仁。壺簞在野，玄黃亦遵，匪惟後夫，亦有頑民。莫輕匪毳，以等厥身，寸心不迴，五宗倏塵。桓桓鼎石，高皇所器，完瑕立堅，鼓敗為銳。大夏拉邏，一木為制，抗節內廷，捐軀東市。辟彼隕壁，光完魄碎，希直儒雄，先民是程。剪遏戎機，鋪



張治平絕命長哦麗日經星流詎滄海建標赤城  
 景道矯矯宣威滇池進秩春宮寅清帝儀礎鏤鏤  
 烹骨芬肉飴子孝父忠表卞同辭有斐瀾伯公車  
 駿發銜新蟬冕職適璽節飛檄逾琳投湘擬屈臣  
 操松筠聞儀霜月蹇蹇子寧著聲中外即臣失律  
 以寵自解抗辭請執不愧司敗玉屑遺芬金川表  
 派英英卓公徵奇履虎曲突能謀逆鱗匪忤歸誠  
 故天流惜新主疇云孔壬乃寔愛汝復初長者獻  
 替是勞御李輿尸馮河殉要大方佐秦母忝祖焦  
 入臺而殞卒以節昭於赫秋官有侯有暴暴司采  
 訪以燕事告侯漕六師無絕甬道斷舌餘聲扶心  
 猶跳高既宏識曾亦強辨賈傳請纓魯生飛箭妖  
 鵬垂凶蹈海終踐訪魏雖塵狗隱局變叔英讚夷  
 乃其食薇殷德為是周粟為非是脩申雉在閣尊  
 經前峙孔廟後瞰鍾陵良焚錢唐程到豫章心無  
 變諂道不移亡母如元一宣猷股肱化美文翁到  
 同臬卿鉞也苦土自沈于齋外無負友內不辱親  
 士淵循吏狗知酬宥彥亨純孝感親捐脰嗟此真



臣以及古士封疆能死社稷是衛精白既同休采  
 曷異竄迹文身不可過計皇皇魏公氣如長虹恁  
 心王室削欵椒風璟亦負奇出控藩封從理入口  
 皆以餓死武寧不殺文成有子終有後先節無彼  
 此烈烈景君詭跡專嚮山魘避名文曲徵象憤擬  
 位員俠肩豫讓事違志畢形泯神王泰既受遺澄  
 故家令削淖朝生除旦子孟竄遠心迹瀦宮移姓  
 謀之不終得死而正張公為滇樂不可支銘績鷄  
 峰衡樞鳳池曾是浮沈大儻不施拊心內謀竟以  
 完歸在昔梁元業所由圯韜於武夫優於文士堅  
 甲百萬角崩首稽曾是衿紳而弗茅靡三靈效順  
 九軌全趨志士飲泣哲人如愚昭昭就湮冥冥可  
 誣耳有口碑壁有藏書聖皇開天爰立臣則錫胤  
 旌祠以垂無極汨江揚波首陽獻色我作頌詩有  
 光明德

弇州山人稿







有家道溫裕宿春儲而遂為援應者若程濟葉  
希賢楊應能其首也廖平牛景先黃直馮灌宋  
和郭節節趙天泰王之臣史仲彬其次也梁良  
王梁四王梁中節梁良用鄭洽金焦王資郭良  
王良蔡運劉伸吳成學又其次也雖其中遠近  
靡異離合靡定死生之且晚不齊要以蹇蹇匪  
躬同歸一致若夫跣跋萬里盡瘁終身害絲智  
遠忠以術濟濱萬死其如飴歷千危而彌厲則  
程公濟其最烈者已至如何洲周恕以闔豎賤  
臣崎嶇趨侍君存則鬻拳之諫楚昭君出則頭  
須之護重耳志義純摯不愧諸賢亦其天性然  
與夫剗跡野服集蓼孔艱帝怒未怠兢兢不免  
遣使至滇南矣下西洋矣入山深而尚慮柯斧  
之尋入林密而猶慮焚巢之及自非志篤匪轉  
心血斛罄亦何以使二十九年未死之連天子  
蹈險能存瀕死獲濟乎至今三讀遺編留連往  
跡或黃冠羽氅或薙髮伽梨或隔境遙期風聲  
密接或相眎不語吞峽潛形或引見牽衣貢弓



稽於君榻或萍不逢識留紅淚於禪牀或讀驕溪  
畔瘴哭忘歸或畫句沙中愁吟憔悴乃至拚茶  
殞骨主為掬土卧疾狼狽君親作糜斯亦情隨  
猿斷涕偕影歟者矣或謂心非易暴胡惜捐生  
不知臣事君也非事國也以慟哭悲憤當夷齊  
之叩馬以重趺滿足當萇弘之血碧豈非慷慨  
剔脰之易從容行義之難哉嗟乎二虎殷勤挈  
干戈而隨死五蛇辛苦割股肉以啖龍而然甚中  
山之失虎猛何為貪絲上之封蛇多怨望以此  
方之優否斷矣玉趾飄搖無復西宮總管霸圖  
灰冷依然石室君臣昭代美談千秋徽烈西吳  
布衣周拱辰摹厲而揚杞之以愧世之臨難而  
委棄其君者讚曰  
中天虎鬪於野龍爭殺運未夷先帝所明苟不易  
姓附於郊畊帝威不測崎嶇瀕厄猶猥磨牙燭龍  
沉色何道可行東西南北蹇諸臣追隨勿失二  
十九年血誠一日烈烈程君經濟填胸談兵禳碑  
靈籙攸攻羽衣輕遁間關萬重撥易之秘以衛逋



龍慘孤臣盡悴獨隆希賢侃其曾聞庭諍抗疏  
陳兵弇章劾佞君臣出走顛沛同命應如能賈傳  
齊聲與葉同髡隨君寐興予手持荼巢枝甫營如  
何羽救相繼溘夷浪亭雲黑招魂未曾卓彼膠平  
程嬰之徒滔滔江漢徙室藏孤耶溪有樵又何人  
乎畫沙題句鷗鳥知無壯哉景先戰功渥寵鐵棒  
啓關以逸龍種心剛百鍊萬死不動補鍋者誰黃  
直所慕塞馬先生濯也則那龍無損鱗恐灰永護  
萬里滇南一棺根土君手題石兩忠之墓宋和郭  
節變姓云從荒天槎主泥塗雪翁握粟出卜利其  
翁鍾天泰明經之臣治曆雪蜀冰燕衣葛行乞豈  
無他裘舊君不識貨春倦時微聞啜泣君出航之  
君來敷之惟義是視何用躊躇致身有錄以作忠  
師是仲彬耶悠悠我思睠彼梁氏忠貞一姓良玉  
書賈囚玉僧正中節與偕東西君訂何如良用全  
君投命崔橋波底呼之或應鄭洽迎君殷勤艸檣  
金焦戀主拉資往南一隨蜀滇一隨公安念彼三  
臣憂心如惓郭王兩良彼何人斯擲冠霞舉厥志



石而君也流離敢或差池不愧武穆憶展墓時矯  
矯蔡運稽山主人天台高羽亦有劉仲侍君浪游  
不憚辛勤賦詩滿袖歸乃趨焚維彼賢良吳公成  
學依栖出亡為笑一握吟詩贈別君臣淚落痛飲  
讀騷靈均如昨靈均如昨呼天則逸迺如刑人禮  
義匪謀曾是蓋赤有怨有洲諫言不用忠則已優  
踉蹌追侍天涯海陬以盡臣僕他又何求維社稷  
臣安危是倚孰使吾君蒙塵犯恥人亦有言主辱  
臣死臣何敢死周旋是矢艸莽君臣以完終始在  
昔方鐵甘灰如飴枯皮犯駕血濺御衣無救於君  
空然食薇全身全君千古良希苦衷懿節呼高鑄  
厚我作讚詞熱血一斗黃祠影石同斯不朽  
周案曰予觀壬午從亡諸臣依然程嬰存孤之  
烈也視方練諸公苦忠更摯家藏異書有王詔  
奇祕錄史仲彬致身錄劉玉海拊膝錄并朝野  
彙編家嚴常指摘往蓋嘆聲出雲頃挾予小子  
遊金陵吊忠血於方墓唁影石於黃祠徘徊西  
華留連雀浦一時從亡遺魄恍忽若見已復獲

周案  
曰案  
可也



周儀曹鑲遜國忠紀錢宗伯允大皇明表忠紀  
誼隨氣合見與哀符廣羅詳覈爰述斯讚附弇  
州王先生壬午兩讚之後亦千秋勝烈事也陳  
眉公先生云讀史學士致身一錄不惟見高帝  
得士之報亦且并白成祖殺姪之名關係本朝  
正史甚巨偉哉言乎近有庭臣請建文廟號裕  
祀則從亡諸臣亦應從配享錫諡之典不則諸  
忠付之晦明風雨此文亦付之烟雲荒艸必有  
物呵護之者矣正史之求政予俟之周家又曰  
家巖嘗言弘治中武選郎陳諒之得遜國諸臣  
隸尺籍者事蹟於故牘中銓次成書懼不敢出  
今其書亦亡吾此讚恨未即與陳選郎快讀之  
艸萊孤臣黯烏獻弗寥寥宇宙義心不孤他日  
地下若逢便當把臂痛哭一問西宮老佛無恙  
乎建文時年七十餘號西宮老佛未幾即世血壑從亡何必今  
日闔南雲盡







一箴金公鉉吏部考功司員外如臯若魯許公  
直河南道御史武進雲此王公章戎政尚書蒲  
田尊五王公家彥左春坊掌坊事左庶子兼侍  
讀山陰巢軒周公鳳翔戶科給事新昌和受吳  
公井來太常寺少卿海鹽磊齋吳公麟徵刑部  
右侍郎澤州尚形孟公兆祥同子觀政進士孟  
公章明兵部武庫司郎中霍州潛民成公德巡  
撫大同贊理軍務都察院右僉都御史徐州勉  
齋朱公之馮山西巡撫蔡公懋德勲戚則太傅  
惠安伯永城張公慶孫附馬都督大興鞏公固  
宣城伯魏公時春新樂侯海州劉公文耀伊叔  
都督劉公繼祖斯並從御駕以賓天洒血忱而  
著烈者也夫鴻寶江南舊族世篤忠貞賊甫登  
城卽具冠帶北拜闕者三南拜母者四對關神  
而浮白叱迂死之佞言曰設皇上不得殯者棄  
吾屍子溝烈乎哉越雲如龍公之謂矣素修知  
城不守遽圖自盡一握笑之獨吾君也乎哉或  
曰帝死矣或曰帝逸矣公厲色曰國君死社稷



帝語不猶日乎、因呼皇上、皇上痛哭仆地、夫惟  
臣知君、故諠辟無爽言、惟君知臣、故臨難無餒  
節、咸有一德、依然都俞之志哉、長源呼婦酣飲、  
倉黃就繫、則左右序紊矣、頃之夫人曰、我輩雖  
造次顛沛、我奈何失尊卑禮、為之整治而死、語  
曰、淑媛婉諷於食薇、仲由從容以結纓、懿哉、唱  
隨之賢、授危之、選乎雲、此分城防禦、不遑枕戈、  
身衷甲、有吞敵之氣、面中矢、有不動之勇、外城  
已破、仍奮臂大呼、驅兵血戰、及乎城陷、被執、賊  
餌以降、公曰、如電、大罵曰、吾為厲鬼殺賊耳、安  
有降御史哉、賊怒、亂刺之、以無所置、刀痕而止、  
巢軒性至孝、忠君報國、親命之矣、死而成命、臣  
之祿也、亦親之祿也、草父書而訣辭、矢來生以  
圖報、讀之有餘恫焉、潛民之與素修約也、曰、主  
憂臣辱、主辱臣死、陳帝祭、擗胸、牧血、觸帝柩、長  
號捐軀、語云、盟詞比玉、又曰、其臭如蘭、同心之  
言、斷如也、其為蘭玉、不既多乎、至如內監王之  
俊、一云承恩伴梅山之縊、王德化、諱西陵之殯、



苦

並糜身殉主有足憫者其他子死其父妻死其夫亞旅僕圍死其長忠憤激心強直遂志若節足嘉不及槩紀嗟乎鰲極崩而杞國憂神龍去而軒臣哭申荆洒斷臂之淚弘演飲納肝之痛况我先帝英哲繩祖霄肝憂民非有龍髯之孽爰罹戎災詎耽浴沟之遊遽逢羿矢諸臣莫不長號攀龍髯擲元扶天柱疾風識勁板蕩知忠豈非貞魂與金石偕存祀典並口口口口哉草莽臣周拱辰悼蓋臣之長暝覲炎燼之再噓

拉王躅以理哀淚枯成海揖申晉而問策衷熱

如焚爰為之讚其辭曰

大明啓運日月雙懸祚未三百陽九乘愆青龍纏月木猴紀年黃巾煽禍紅日如烟玉弩天驚金城地裂修蛇齧龍宸林流血帝魂賓天臣軀赴節白玉同碎鎌金繇烈卓哉鴻寶肝腸如雪絳服莪冠辭毋拜闕把酒呼神汝知我者設帝勿殞溝棄我屍趨侍靈駕敢或躊躇質公矢義矯哉強而水一方匪澗匪池并有仁焉我其從之以藏鯁骨有蟄

有



龍知城陷民竄，妖鋒肆毒，賊飛令箭，遍覓鄉族。鄉族謂誰善人，淇六公方題詩，閉門不曠，啓戶視之。全家鬼錄，下馬羅拜，賊為痛哭。茗柯士傑懋明人，豪一以裂帛，一以飲刀，豈曰輕生無所於逃。三百年來，素修挺出，養士之報，盡於今日。靈轡匆匆，祈少逡巡，我非三良，願為騰殉。皇上皇上呼之，或應一慟，長暝天顏，再鏡毅矣。長源志不可屈，夫妻雙烈，吟詩題壁，鴛鴦斃染，乃左其雌，尊卑紊矣。其雌愧之，從容整序，如燕晚時，悼彼一箴，及我若魯，抱石靈均，抗喉文舉，何如潛民探友，詒伴鴻寶，何在携手司行，英英雲此，為國持斧，亦曰䟽輔，亦曰禦侮。十二京營，我厲其武，城陷被執，罵賊抗聲，以眎尊五，歿有同榮，誰不有父，巢軒至孝，忠孝兩全，來生圖報，遺書訣父，字苦血新，有死無賣，君恩誤人，知受磊齋，吳楚髦士，毅蹴海濤，雄爭鐵柱，景彼鯉庭，聞禮聞詩，烈烈尚形，父子同之，父殺成仁，子義恐後，兩王不磷，雙南允懋，人餉鼓鐘，勿考勿聲，人餉忠義，勿俞勿盟，維彼潛民，觸棺血殉，以復我友。

和



盟辭若新、剖竹分閫、聽鞞思將、帶黃勉齋、桓桓攸  
上、蔡公巡邊、三軍挾纊、兩俱叱賊、擲元慨抗、長城  
碎哉、丹衷無恙、礪山我推、帶河中断、異姓別豆、何  
况戚畹、若張若輩、若魏伯劉、展也剛勇、風屯不周、  
主辱臣死、豈惟刑臣、賢哉兩王、不愧德隣、梅山伴  
帝、魁庭爭殞、拜賊滿朝、觀之氣盡、在昔季立、豈無  
死臣、君亂臣義、有孤忠魂、疇似先帝、烈烈振振、君  
死社稷、臣死烈君、義榮滔天、上帝所欽、君示有鼎、  
臣亦有國、爾我旌心、依然一德、小山譽桂、離騷頌

示

橘、我作讚言、以續董筆、泰山可崩、此辭無泐、

周案曰、家嚴作壬午從亡諸臣讚、越今日復作

甲申殉鼎諸臣讚、紀明三百年中、內外難、一時  
奇節也、或曰魯連辨士、義不帝秦、王躅布衣、烈  
不降燕、况食祿者乎、區區一死、謝君何足侈述、  
予曰固也、獨不聞至尊賓天之日乎、君屍未殮、  
望風拜賊、掌中樞者、賣國通奸、首揆席者、青衣  
待罪、勲傳也、而崩角乞哀、詞臣也、而諛言勸進、  
其他紛紛招徠、援引、行貨、羶榮、一時人類、化為

周案  
曰以  
不月



辛

禽畜、世界變為劫灰、家巖每對小子、扼腕太息、  
殞涕久之、張琴張先生、嘗讀史至鄭韜馮道、張  
目曰、是其骨安在、吾將糜以飼狗、又曰、若女可  
無節、而男可無烈、則日月之光必死、而大地燠  
為煤灼、不待劫盡之日、痛哉言、吾謂甲申三月  
之變、不變於城陷、逼君之日、而變於滿朝爭先  
拜賊之時、豈祖宗養士之澤、至此盡荒、抑天生  
正人之心、都城狼藉、故夫從賊者賤、則殉節者  
貴矣、述壬午從亡、所以白五蛇割肉飼龍之苦

吊

心、述甲申赴節、所以明諸忠攀髯殉龍之耿烈、  
借昔人鐵如意、慟哭招魂、九原可作、快有知己  
哉、噫、嘻、芒碭王氣、未盡淪澌、白水真人、重興何  
日、是家巖竊取之大義、是小子私述之陽秋、弗  
死、勸生、可勝腹痛、甲申菊月九日、鯉庭某拭淚  
記此



Vertical columns of handwritten Japanese text in a traditional style, likely a manuscript or record book. The text is arranged in approximately 10 columns, reading from right to left. The characters are dark ink on aged, yellowish paper.

聖雨集



